

Mars 2021

Tónhylur

Miðja tónlistarsköpunar í Reykjavík

Tónlistarfélag Árbæjar
Skýrsla um starfsemi félagsins

Tengiliður:
Kristján Sturla Bjarnason
kristjan@tonhylur.is

Yfirlit

Tónhylur er tónlistarmiðstöð í hjarta Reykjavíkur sem var tekin í gagnið vorið 2020. Húsnæðið er um 650 fermetrar og hefur að geyma sjö æfingarárými og átta stúdíó en þar af eru þrjú af þeim stúdíóum fyrir unga nýliða. Árið 2019 fór Tónlistarfélagið í samstarf við Reykjavíkurborg sem felst í leigustyrk vegna húsnæðis. Sá samningur gerði félaginu kleift að byggja upp öfluga starfsemi sem snýr fyrst og fremst að því að byggja upp aðstöðu og skapa öflugt samfélag tónlistarfólks.

Á Aðalfundi félagsins 2020 var ákveðið að hlutverk Tónhyls væri að skapa tækifæri fyrir ungt tónlistarfólk og veita íslenskri tónlist innblástur. Tónhylur yrði því þannig nokkurs konar miðja tónlistarsköpunar þar sem tónlistarfólk fengi tækifæri til að vinna að eigin sköpun í faglegu umhverfi. Þar yrði tónlistarfólk hluti af stærra samfélagi þar sem tónlistarleg velferð einstaklinga væri höfð að leiðarljósi. Þá leggur Tónhylur sérstaka áherslu á að efla nýliða í tónlist ásamt því að jafna hlut kynja.

Hlutverk og stefna

Hlutverk Tónhyls er að skapa tækifæri fyrir ungt tónlistarfólk og veita íslenskri tónlistarsköpun innblástur. Það gerir félagið með því að byggja upp fyrsta flokks aðstöðu fyrir tónlistarfólk, halda úti fræðslu fyrir nýliða og skapa samfélag sem styður við fjölbreytta tónlistarsköpun.

Framkvæmdir

Hafist var handa við að byggja hljómsveita- og stúdíórými í maí 2019. Heildarkostnaður við framkvæmdir var um 3.500.000 kr. en öll vinna var unnin í sjálfboðavinnu. Þá fékk félagið til liðs við sig vinnuskólahóp sem samanstóð af hópi drengja sem höfðu tekið þátt í að móta hugmyndina um tónlistarmiðstöð um veturinn. Voru þeir allir hluti af lagasmíðafagi sem einn stjórnarmeðlima kenndi í Árbæjarskóla. Með samþykki foreldra tóku þeir þátt í að reisa fyrsta áfanga Tónhýls ásamt mörgum sjálfboðaliðum sem lögðu hönd á plóg. Verkefna- og fjármálastjórn var í höndum stjórnar félagsins en allt kapp var lagt á að framkvæmdir yrðu með hagkvæmasta máta.

Um er að ræða um 450 m² rými en nýlega bætti félagið við 150 m² til að aðskilja betur stúdíó og æfingaaðstöðu vegna hljóðmengunar. Auk þess þótti nýtt rými, sem er í sama húsnæði, henta vel til þess að hafa æfingar á daginn fyrir atvinnutónlistarfólk.

Auk Reykjavíkurborgar styrktu Reykjafell, BYKO, Dominos, Þ.Porsteinsson, Birgisson, Málning og fleiri framkvæmdirnar kunnum við þeim miklar þakkir fyrir.



Æfingahúsnæði

Tónhylur býður upp á fyrsta flokks æfingarárými

Í Tónhyl eru nú sex almenn æfingarárými og eitt stærra rými sem hægt er að leigja fyrir sérstök tilefni. Almennu rýmin eru fyrir hljómsveitir sem borga fast mánaðargjald og fá með því einn fastan tíma í viku ásamt því að geta bókað í laus hólf þegar rýmið er ekki í notkun. Æfingatíminn er frá 17:00 – 23:00 á daginn en hægt er að bóka stærra rýmið á daginn. Þá sér félagið um að þrifa rýmin og öll öryggismál en mikið er lagt upp úr þeim. Félagið leggur mikið upp úr því að þeir sem nýta aðstöðuna séu sáttir og er því send út þjónustukönnun reglulega sem nýtist í að gera þjónustuna enn betri.

Boðið er upp á hljóðkerfi og trommusett en bönd mæta með sína eigin magnara. Með þessu móti nýttast rýmin mun betur og geta því verið um 6 – 7 bönd í hverju rými. Það fyrirkomulag hefur reynst mjög vel og er mun hagstæðara rekstrarfyrirkomulag. Mikil eftirspurn er eftir rýmum og er ljóst að mikil þörf er á þjónustu sem þessari. Með því að halda vel utan um notendur er aukinnheldur verið að skapa samfélag þar sem notendur fá rödd og geta þannig tekið þátt í að byggja upp starfsemina.




Stúdíó

Í Tónhyl eru nú átta hljóðver. Fimm af þeim eru skipuð atvinnutónlistarfólki en hin þrjú nýliðum og einstaklingum sem eru að stíga sín fyrstu skref. Hugmyndin er að bjóða atvinnutónlistarfólki lægri leigu gegn því að taka þátt í að byggja upp starfsemina, aðstoða þá reynsluminni og kenna á námskeiðum. Þá er lagt upp með að allir þeir sem hafa aðstöðu í Tónhyl séu virkir innan samfélagsins ásamt því að fylgja þeim grunngildum sem eru höfð að leiðarljósi.

Með þessu móti hefur tekist að skapa andrúmsloft þar sem ungt tónlistarfólk nýtur leiðsagnar þeirra sem hafa meiri reynslu og geta leitað í öflugt bakland þegar kemur að kynningu eða stuðningi við þeirra tónlist. Félagið telur þetta lykilatriði í að byggja upp öflugt tónlistarstarf og þá sérstaklega þegar kemur að málefnum eins og að jafna hlut kynja eða ná til minnihlutahópa. Þá er vert að minnast á það að nokkur lög nýliðanna hafa ratað í efstu sæti vinsældarlista á Íslandi.

Félagið stefnir á að fjölga stúdíóum vegna mikillar eftirspurnar og bjóða upp á fyrsta flokks rými á hagstæðum leigukjörum fyrir tónlistarfólk.



Námskeið og fræðsla

Akademía fyrir unga tónhöfunda

Nú á vormánuðum hófst n.k. þróunarnámskeið í lagasmíðum og upptökum fyrir 9. og 10. bekk. Námskeiðið fór mjög vel af stað og komust færri að en vildu. Hugmyndin með námskeiðinu er að bjóða upp á óformlegt tónlistarnám fyrir einstaklinga sem hafa sérstakan áhuga á að búa til tónlist í tölvu, upptökum og hljóðblöndun. Þá er einnig hugmyndin að efla þátttakendur félagslega og innleiða þá inn í starf Tónhýls. Í haust verður síðan opnað fyrir fleiri námskeið og fleiri aldurshópa. Hér gefst einnig einstakt tækifæri til að ná til allra kynja og vinna með ólíka hópa.

Námskeiðin eru byggð upp að fyrirmynd íþróttafélaga bæði hvað varðar fyrirkomulag og forvarnargildi. Einstaklingar geta þá æft upptökur og lagasmíðar eins og hverja aðra íþrótt, myndað tengsl, fengið þjálfun og verið innan um fagfólk á þessu sviði. Þeir sem kenna á námskeiðinu eru með mikla reynslu í vinnu með ungu fólki, með kennaramenntun og víðtæka þekkingu á sviði tónlistar. Þá mun einnig þekkt tónlistarfólk sem hefur aðstöðu í húsnæðinu koma og miðla reynslu sinni.



Tölfræði hljómsveitarými

Fjöldi hljómsveita á viku	25 hljómsveitir
Stakir leigjendur í æfingarymum	4 trommarar
Fjöldi heimsóknna á viku.	Um 300 stakra heimsóknna
Fjöldi heimsóknna síðustu 9 mánuði	9.600 heimsóknir
Stakar æfingar	56 æfingar í stóra rýminu

Tölur miðast við opnun húsnæðis í febrúar 2020

Tónlistarfélagið hefur lagt áherslu á ungt fólk og á að jafna kynjahlutfall. Vel hefur gengið með unga fólknið en félagið stefnir á að blása enn frekar til sóknar við að ná til allra kynja. Það mun félagið gera markvisst þegar námskeið hefjast en einnig er stefnt að því að fara í samstarf við samtökin Stelpur rokka og KÍTÓN og bjóða t.d. upp á fríar æfingar eða hafa námskeið sérstaklega sniðin að ólíkum kynjum. Þetta er langtíma verkefni sem félaginu er mjög umhugað um að vinna að.

Tölfræði stúdíórými

Fjöldi stúdíórýma	8 stúdíó
Fjöldi mentora*	5
Fjöldi fastra nýliða	3
Fjöldi atvinnutónlistarfólks	Um 40 – 50
Fjöldi byrjenda	Um 20

Tölur miðast við opnun húsnæðis í febrúar 2020

*Mentorar eru atvinnutónlistarfólk sem fær ódýrari leigu gegn því að aðstoða nýliða.

Hér hefur einnig verið horft til kynjahlutfalla. Vert er að halda því til haga að hlutfall kynja, þegar kemur að því að nýta sér stúdíóaðstöðu félagsins hefur verið nokkuð jafnt.

Þrátt fyrir að félagið hafi nú átta stúdíó til umráða þá er eftirspurnin mjög mikil og ná þessi stúdíó ekki að mæta þeirri eftirspurn. Því stefnir félagið nú á að leita leiða til að efla enn frekar þá starfsemi og bjóða tónlistarfólki fleiri fyrsta flokks stúdíó á hagstæðum kjörum. Það er skynsamleg leið til að styðja við tónlistarfólk – sérstaklega í núverandi árferði.

Stjórn og aðstandendur

Stjórn Tónhyls samanstendur af 6 einstaklingum sem eiga það allir sameiginlegt að hafa unnið lengi með ungu fólki og hafa víðtæka reynslu af tónlistarstarfi. Þá hafa stjórnarmeðlimir meðal annars háskólamenntun í tónlist, sálfræði, félagsfræði, markaðsfræði ásamt því að vera með kennsluréttindi og starfa sem tónlistarmenn.



**KRISTJÁN STURLA
BJARNASON**

Formaður



**BRYNJAR INGI
UNNSTEINSSON**

Varaformaður



**ANDRI MÁR
MAGNASON**

Gjaldkeri



**PÉTUR
FINNBOGASON**

Stjórnarmaður



**ÁSGRÍMUR GEIR
LOGASON**

Stjórnarmaður



**GUÐFINNA BIRTA
VALGEIRSDÓTTIR**

Varamaður og markaðsmál

Umsagnir

Félagið sendi út þjónustukönnun nú nýverið á alla sem hafa nýtt aðstöðuna og kom hún mjög vel út. Allir sem svöruðu könnuninni myndu mæla með húsnæðinu við aðra, töldu svona aðstöðu mjög mikilvæga og voru ánægðir eða mjög ánægðir með aðstöðu og þjónustu.

Þá hafa einnig aðrir listamenn nýtt aðstöðu Tónhýls – bæði í stúdíóum og í stóra æfingarýmiinu sem hugsað er fyrir stærri bönd. Má þar nefna bönd eins og Hipsumhaps, Bríet, Flona, Herra Hnetusmjör, Auður, Friðrik Dór, GDRN, Daniil, Haka, Moses Hightower og nú síðast Kaleo.

"Frábært viðmót – mæli
alltaf með ykkur."

HLJÓMSVEIT Í ÆFINGARÝMI

"Meiriháttar allt saman –
takk!"


HLJÓMSVEIT Í ÆFINGARÝMI

"Frábær þjónusta og
snyrtilegt"

HLJÓMSVEIT Í ÆFINGARÝMI

Myndir af húsnæði

Hér má sjá fleiri myndir af aðstöðu félagsins. Hún hefur öll verið byggð upp í sjálfboðavinnu og með stuðningi frá fagaðilum.



Framtíðarsýn

Tónhylur verður miðja tónlistarsköpunar í Reykjavík

Tónlistarfélagið stefnir hátt og vill blása enn frekar til sóknar þegar kemur að því að efla tónlistarmenningu og veita ungu tónlistarfólki tækifæri. Þá vill félagið einnig efla samstarf við Reykjavíkurborg og fleiri aðila í tónlistargeiranum.

Í því skyni hefur Tónlistarfélagið sett sér eftirfarandi markmið.

1

Að gera hljómsveitarýmin enn betri og veita víðtækari þjónustu þegar kemur að æfingum fyrir tónlist.

2

Að bæta við núverandi rými og byggja upp fyrsta flokks stúdíaðstöðu fyrir atvinnutónlistarfólk á hagstæðum leigukjörum.

3

Að byggja upp metnaðarfulla akademíu þar sem boðið er upp á fjölbreytt námskeið, náð til ólíkra hópa og byggt upp öflugt samfélag.

4

Að þróa enn frekar það samfélag sem er að myndast í Tónhyl þar sem lögð er áhersla á liðsheild, traust, sköpun og tækifæri.

5

Að kynna starfsemina fyrir stofnunum sem koma að þessum málaflokk ásamt því að efla samstarf við Reykjavíkurborg enn frekar.

Rekstrarreikningur ársins 2019

Rekstrartekjur:	2019
Rekstrarsamingur v. leigu við Reykjavíkurborg.....	4.500.000 kr.
Framkvæmdastyrkur v. æfingaryma.....	3.000.000 kr.
Aðrir styrkir.....	815.108 kr.
Afnotagjöld vegna æfingaryma.....	<u>335.000 kr.</u>
Rekstrartekjur alls	8.650.108 kr.
Rekstrargjöld:	
Húsaleiga*.....	4.500.000 kr.
Framkvæmdir og uppsetning v. æfingaryma.....	3.002.352 kr.
Rekstur húsnæðis.....	542.791 kr.
Ýmis búnaður.....	166.400 kr.
Annar rekstrarkostnaður.....	<u>166.923 kr.</u>
Rekstrargjöld alls	8.378.466 kr.
Rekstrarafkoma ársins.....	<u>606.642 kr.</u>

**Húsnæðið var tekið í notkun um mitt ár 2019 og greiðist leiga frá júní.*